

湖南府縣志輯

中國地方志集成

同治桑植縣志
光緒古文坪廳志



K296.4
10
52

中國地方志集成

湖南府縣志輯 ⑦〇

同治桑植縣志

光緒古丈坪廳志

江蘇古籍出版社●上海書店●巴蜀書社

桑植縣志

桑植縣志 卷之首

南宮軫宿圖



星經軫四星居中又二星
為左右轄長沙一星在軫
中青丘七黑星在軫東南
軍門二星在青丘西土司
空四星在軍門南軫南
三十二星口器府渾天賦
七澤之國翼軫寓其精左
轄右轄邊荒於是乎救宥
黃帝分星張十八度至軫
十一度為楚分周禮翼軫
荆州於辰為已楚之分星
荆州之分土春秋元命苞
軫星為荆州東漢志斗至
衡第四星至荆州以五郊
日候之丁卯為武陵舊說
翼軫為楚分南郡入翼十
度武陵入軫十度

一

桑植縣志

卷之首

圖

二

按翼軫為楚分野星經云翼主人微三公化導文
籍之事軫主將軍樂府歡歌之事應驗通宇宙未
可分屬荆域况一邑乎然歷代星家皆言軫實楚
分桑雖一隅瞻矚統於此夫氏依於土土之精氣
上見於天災祥氣祲各以類應天人相與之際可
畏也故節錄諸說繪圖於右畧備叅稽

重修桑植縣志序

桑植爲全湘之殿疆域較爲荒達夙稱地瘠而民勞然民勞則思思則善心生古今通義扶輿磅礴之氣豈囿於方隅哉曩予牧澧三年披覽圖志見所屬慈利永定兩邑各析地與桑植以益版圖並稔其俗尚樸勤男女耕作憂深思遠有葛屨蟋蟀遺風蓋自歸流以來沐

聖朝教澤涵濡已百有四十餘載矣已巳八月奉命來守斯郡微臣乘以備參稽無如斷簡殘編且多模糊

桑植縣志卷之首序

一

失次維時宰桑邑者爲曾搢之大令亟謀蒐輯而續修之會曾君檄調入湘接篆者陶佩皋同年亦遷就而未果蓋將欲網羅散失潤色發皇仿邇都大邑之鳴篇片考獻徵文之駿承力難猝致宜共事與願違也竊謂物先有質而後有文禮時爲大而稱次之桑邑舊志雖簡略條緒已自秩然別類分門固先有其質矣況值會垣修輯通志則承訪尤貴及時踵而承之增而廣之不得因陋就簡亦無庸門靡誇多地本瘠區事皆實紀又所謂唯其稱也去歲周君德生

是邑因公來郡即以此意商之周君深以爲然遂贊

萃一編見寄兼問序於余余案牘勞形且筆墨小蕪不敢謬膺討論修飾爰囑羅石城廣文爲之編次復遴蕭生長裕盧生元勛繕錄成帙封而還之將付棗梨余更因之有厚望焉湘南爲人文之藪才不擇地而生歷觀豪傑奮興恒經盤錯凡動心忍性曾益其所不能殆與民勞則思思則善心生無異旨歟由剛健而篤實由篤實而輝光行覘士習民風蒸蒸美備他日增光邑乘將與全湘競美矣殿云乎哉

桑植縣志卷之首序

二

同治十一年冬月卽補道特授永順府知府魏式曾識

重修桑植縣志序

夫一邑之中山川勝蹟民情風俗不載之於志烏得而傳之不考之於志又烏得而知之桑邑舊隸土司歸流後百餘年山川猶是而民情強悍好鬥健訟之風雖稍遜於曩日而未能盡革蓋俗尚然也壬申春奉檄權斯邑謁見

郡憲即諳諳以保甲與志書兩事爲急派陳廣文龔少尉分途查辦相助爲理凡一切忠義節孝文學武功有關於世道人心而實蹟昭彰者採而輯之復請

桑植縣志卷之首序

三

廣文率董事諸生詳加修飾分門別類以附於舊志後仰見百餘年來山水精靈所鍾毓

朝廷文德所誕敷而禮教漸興人才蔚起有如是爾茲因重修縣志諸生以序請故誌之

皆

同治十一年冬月豫章周來賀謹識

舊序

吏繁劇之地光陰費於將迎精神疲於聽斷簿書填委翰墨消散固其宜也余仕楚南十餘年所治僻簡桑植尤荒遠遭逢

聖

德誕敷土苗馴擾歲稔時和獄訟用希兼無賓客往來郵傳頻次之役公餘多暇取舊志刪訂之釐爲四卷文獻既尠簡帙不繁蓋不敢希才吏之經濟幹局而托於筆墨復不敢希文人之著書立言而居於胥鈔拙者之政此亦其一端也夫

桑植縣志卷之首舊序

四

乾隆二十九年甲申冬月錫山顧奎光星五氏識

原修姓氏

首事 貢 向大修 鍾臣南 鍾臣克 監生 熊達

捐資 貢 向大攸 向大謨 向大誥 向大訓

向大俊 向大倫 向大德 向大佑

向大德 向開造 監生 向大伸 唐德教

吳公宦 李錦相

廩生 何祖衡 貢 唐仁心 唐仁聞 唐仁武

張登鰲 張登元 謝正勲

貢生 蕭引鳳 貢生 劉英賢

桑植縣志 卷之首 姓氏

五

商民 周復興 張三益 耆 鄧欽臣

桑植縣志

重修姓氏

欽 加鹽運使銜永順府知府魏式曾 鑑定

知桑植縣事豫章周來賀 纂修

永順縣儒學訓導羅教純 協修

桑植縣儒學訓導陳錦 協修

桑植縣典史 龔涵 校核

候選知縣豫章 胡文選 校核

永順府廩生 盧元勲 編次

桑植縣志 卷之首 重修姓氏 六

永順府附生 蕭長裕 編次

候選州判 陳名芹 校閱

候選訓導 余信芳 校閱

候選訓導 黃鍾麟 校閱

候選訓導 鄭癸文 校閱

同知銜附生 彭年大 校閱

郡庠生 谷玉瑞 校閱

凡例

一舊志成於邑令顧奎光其時改土未久人文未起
禮樂未興人物祀典諸志不無簡畧今歸流百餘
年矣向化既久人文蔚起禮樂漸興故人物祀典
不妨備載以彰一時之盛

一志內門類不清不合志體茲以疆域等志分爲八
卷總目其餘若星度等志分爲八卷例目門類既
清方合志體

一志內載忠臣孝子烈女節婦必有實跡昭彰者方

桑植縣志

卷之首

凡例

七

載入志內

一志內所載風化攸關非有關於世道人心者不敢
載入志內

一志內舊有人物節烈仍照舊纂人不敢妄爲刪改

一志內編年紀月間有年月不清無從確查宜缺毋
添不敢妄自度臆

一志內大而天地山川細而鳥獸草木無不備載然
必有所見而云然非同任意添寫

一邑內自土匪竊發冊籍不無散失文獻苦於無徵

補
幸而故老傳聞聊備參考以俟博雅君子異日添

桑植縣志

卷之首

凡例

八

原凡例

一桑植本土司轄入版圖纔三十餘年土官不學無文獻可徵茲按舊志採羣書參聞見正訛謬祇取傳信不妨簡質

一邑志創自馬令世燿稿不存嗣後鍾令人文續修之總十二卷今志緣以損益草創之勞不可沒也一星野不可不載然省志宜詳縣志宜簡何者占驗在通省非一邑事也抄撮天官書何益茲首爲一圖系縣圖之前不別立門而圖方亦備

桑植縣志卷之首

原凡例

九

一各志每門有小序蓋作志者意有所見故發凡於此非有定例若無意識而爲之詞通行套襲甚無取也是志於各門有所見則序之否則闕取其親切不爲馬首之緒

一改土設縣之始舊志全載部文如成案然非志體也今將改土以前歷朝沿革爲表改土後之建置則編年紀事務在簡要庶畧皆鈔

一志體類不宜煩雜今各以類從關隘坊鄉津梁附疆域陂堰附山水倉儲附公署鹽政附賦役書院

附學校郵汎附兵防節序附風俗故事增而文省一邑境與龍山鶴峰慈利永定等處犬牙交錯改土後幾經徙析然後勘定舊志疆域止載八至坊鄉名不全列亦屬踈漏今悉增入并紀道里遠近

一賦役悉遵全書凡有增減附註於後

一學校教化所自出邑學禮器樂器未極明備然必詳其器數以明守先待後之意

一人物必有德行文章卓犖可傳者方得書桑邑爲楚邊郵沐浴文教未久罕有聞人前代又無所考

桑植縣志卷之首

原凡例

十

依舊志錄載節孝者碩數人寧闕毋濫

一舊志藝文篇什寂寥頗無關於邑事今汰之詩文中凡賦景述事有所係屬者分附各門不爲專卷一邑雖苗疆然皆土人而苗民裁數百餘戶散處各里中故不志崗寨亦有銅鐵礦前經開採旋復封禁故不志礦廠

一志灾祥宜自設縣後始未設縣以前雖有灾祥不得羅入故於雜記補之

桑植縣志總目

卷首

序 舊序 原修姓氏 重修姓氏 凡例

原凡例 繪圖 目錄

卷一

疆域

卷二

建置 賦役 風土

卷三

桑植縣志 卷之四 總目

學校 武備

卷四

典祀

卷五

官職 選舉

卷六

人物 列女

卷七

藝文

卷八


雜識 附錄

十一

縣境輿圖

桑植縣志


圖




桑植縣志



圖











桑植縣志




圖











桑植縣志

圖


八




桑植縣志

圖

九





桑植縣志卷一

桑植縣知縣豫章周來賀纂

疆域志 目錄

星度

沿革

廣輪

山川

關隘

名蹟

桑植縣志 卷之一

目錄

星度

唐書天文志翼軫鵠尾也自沅湘上流西達黔安之左皆全楚之分

武陵今之常德奄及辰沅挈諸邑越華容西境至澧州石門慈利安鄉極於永順靖州之轄縣暨保靖宣尉司皆武陵入軫十度之野

桑植縣志

卷之一

星度

二

沿革

桑植爲縣由

國朝始溯之前代在宋元明則外半屬慈利而內半縣屬土司在唐屬慈利晉宋齊梁屬臨澧漢屬充縣秦屬黔中春秋時屬楚巫中郡自周溯唐虞均屬荆蠻爲要服其大較也唐虞以降緊豈無文德豈無武功皆羈縻弗絕僻遠荒畧在聲教之外一旦迴首內向隸版圖爲編氓於是張官置吏預於望繁之列聲明文物漸彬彬然飲和而食德服教而畏神洵極盛矣

桑植縣志

卷之一

沿革

三

哉

唐虞屬荆州爲要服古蠻夷地

夏屬荆州禹貢荆及衡陽爲荆州哀抵楊州西抵梁州北接雍豫南豫五嶺及西南夷等處皆荆州地也

商屬荆州商頌撻彼殷武奮伐荆楚易曰高宗伐兇方荆始爲楚

周屬荆州宣王時蠻荆背叛命方叔征之春秋時屬楚爲巫中地

秦昭襄王二十七年使司馬錯伐隴西因蜀攻楚黔中

拔之三十年蜀守若伐取巫郡及江南爲黔中郡

漢高祖五年改黔中郡爲武陵郡置充縣三國時分隸

天門郡

晉太康四年省充入澧中後復於充縣故址析置臨澧縣以其側臨澧水故名

宋齊梁陳仍屬臨澧縣

周建德四年改天門郡爲北衡州

隋開皇中置崇義縣十八年改北衡州曰崇州大業初州廢仍爲崇義地

桑植縣志 卷之一 沿革

四

唐麟德元年廢崇義入慈利隸澧州

宋仍入慈利

元析慈利西境爲柿溪州即今上下崗尋爲土官向克武所據又分上下桑植等處隸新添葛蠻安撫司爲土司向仲山所據

明洪武四年設安福守禦千戶所二十一年千戶夏昌珪子得忠結九谿蠻作亂命靖益侯葉昇討平之始築城其柿溪土司桑植土司如故俱隸岳州府澧州宣德四年改柿溪宣撫司爲上下二崗長官司各管

王共三年一次朝覲又爲慈利十四五都地

國朝雍正四年土司向國棟弟國柄納土改縣屬永順府所轄

轄

桑植縣志 卷之一 沿革

五

改土歸流奏疏

雍正五年七月初九日署理湖廣總督傅敏密陳
湖南桑植保靖二土司肆虐一方漢土苗民均受荼
毒土人不時擁入內地迫切呼號皆願改土爲流
其沐

皇仁於光天化日之下臣等仰維

皇上如天遍覆六合一家何在彈丸之地但漢土雖殊非
聖朝赤子豈容土官肆行屠戮前經臣敏具奏奉

御批着謹慎料理今臣等會商查桑植司向國棟世濟克

桑植縣志卷之一 沿革

六

惡殺虜苗民久已衆叛親離改流甚易惟界連美司
又締婚姻雖容美司田晏如懼服

天威萬無敢於助惡之理然其人桀驁狙詐或以物傷其
類之故陽爲不聞陰行煽惑隣近土苗生事阻撓亦
未可定臣等伏查桑陵乃諸土司前路九溪乃諸土
司後路臣等着量密飭桑陵鎮總兵官整飭營伍預
備但事關重大仍仰請

皇上密諭杜森敬謹辦理就近彈壓至其後路議調衡州
副將周一德暫署九谿協事整頓兵馬以備不虞併

澧州永定兩營聽其節制嚴飭防範則諸土司皆不
敢動而容美無所施其技矣但桑植地方必須另設
同知一員駐劄彈壓土苗清理獄訟責任非輕臣等
查有原任石門縣知縣鐵顯祖稔悉苗情亦有操守
可否仰邀

聖恩特授岳州府額外同知該員身受

殊恩自必實心辦理至其衙署再委諳悉苗情叅游一員
俟布置已備畢令該丞會同該將統領官兵三百名
直入其地撫綏寧緝分守汛兵立時可定然後量形

桑植縣志卷之一 沿革

七

勢或分屬鄰境或建立州縣自無搖動至保靖司彭
御彬貪淫克暴罪惡貫盈鄰近土司無不離心近因
謀官奪印一案經臣蘭泰題叅革職現在提審改流
尤易其地界連乾州向係乾州管轄但離州治四百
餘里聲援不及今已新設保靖司同知應令該丞劉
自唐會同守備一員帶兵三百名鎮撫分汛亦可立
定卽駐劄其地招徠開墾庶計出萬全臣等再三酌
議所見符合但白瑞愚昧不敢草率爲此合詞具奏
伏乞